

Վարչական իրավախախտման գործով գանգատն առանց բավարարման, իսկ որոշումն անփոփոխ թողնելու մասին

18.04.2018թ.

ք.Երևան

Ճանապարհային ոստիկանության պետ, ոստիկանության գնդապետ Եգոր Կարապետյան, վերանայելով Գևորգ Բոյախյանի դիմումի շուրջ ստեղծված նյութերը

Պ Ա Ր Զ Ե Ց Ի

2018թ. մարտի 26-ին Երևան քաղաքի Ե.Կողբացու փողոցի 1 շենքի 54 բնակարանի բնակիչ Գ.Բոյախյանը դիմել է այն մասին, որ իր նկատմամբ կայացվել է վարչական տույժ նշանակելու մասին ԱԴ 439862 որոշումը, որի հետ համաձայն չէ, քանի որ, ըստ տեսուչի, ինքն ավտոմոբիլը վարել է անվտանգության գոտին չամրակապած վիճակով, սակայն անվտանգության գոտին եղել է ամրակապված: Դիմումատուն խնդրել է վերանայել իր նկատմամբ կայացված վարչական տույժ նշանակելու մասին ԱԴ 439862 որոշումը, քանի որ չկա իրավախախտումը հիմնավորող ապացույցներ:

Դիմումի ուսումնասիրությամբ պարզվել է, որ 2018թ. մարտի 24-ին, ժամը 14:28-ին Երևան քաղաքի Զաքյան փողոցում Գ.Բոյախյանի կողմից վարած «Մերսեդես» մակնիշի 34 FP 174 հաշվառման համարանիշի ավտոմոբիլը կանգնեցվել է ճանապարհային ոստիկանության ճՊԾ 1-ին սպայական գումարտակի 7-րդ սպայական դասակի տեսուչներ, ոստիկանության կապիտաններ Գ.Աշխանի և Տ.Յովհաննիսյանի կողմից ճեԱԱՄՕ-ի խախտման համար, այն է՝ վարորդն ավտոմոբիլը վարել է անվտանգության գոտին չամրակապված վիճակով: Վարորդի նկատմամբ կազմվել է վարչական իրավախախտման վերաբերյալ արձանագրություն և, ՀՀ ՎԻՎ օր-ի 123.3-րդ հոդվածի համաձայն, կայացվել ԱԴ 439862 որոշումը՝ վերջինիս 5.000 ՀՀ դրամ տուգանելու մասին:

Ըստ տեսուչների գրավոր բացատրությունների՝ նշված իրավախախտումն եղել է ակնհայտ, իրենց համար պարզ տեսանելի, քանի որ երթևեկել են նշված ավտոմոբիլին համընթաց: Սահմանված կարգով, Գ.Բոյախյանի կողմից վարած «Մերսեդես» մակնիշի 34 FP 174 հաշվառման համարանիշի ավտոմոբիլը կանգնեցնելուց հետո, Գ.Աշխանը մոտեցել է վարորդին, ներկայացել, պարզաբանել իրավախախտման բնույթը, պահանջել փաստաթղթերը, և վերջինիս նկատմամբ կազմել վարչական իրավախախտման վերաբերյալ արձանագրություն: Վարորդը ծանոթացել է կազմված արձանագրությանը, իրեն հատկացված տեղում գրավոր հայտնել իր անհամաձայնության մասին, ստորագրել այն, այնուհետև ստորագրել և տեղում ստացել է որոշման պատճենը:

2018թ. ապրիլի 3-ին քաղաքացի Գ.Բոյախյանը հրավիրվել է ճանապարհային ոստիկանության ճՊԾ բաժին, որտեղ պնդել է դիմումում նշված հանգամանքները, խնդրել է բնաբանել և արդյունքների մասին տալ գրավոր պատասխան:

<<Ճանապարհային երթևեկության անվտանգության ապահովման մասին>> ՀՀ օրենքի 17-րդ հոդվածի համաձայն՝ ճանապարհային երթևեկությունը կարգավորող ոստիկանության ծառայողը պարտավոր է կանգնեցնել տրանսպորտային միջոցը, եթե ակնհայտ կամ տեխնիկական միջոցների օգտագործմամբ երևում է, որ վարորդը խախտել է ճանապարհային երթևեկության կանոնների պահանջները: Նույն հոդվածի 8-րդ մասի համաձայն՝ երթևեկության սահմանված արագության գերազանցման և տրանսպորտային միջոցների ապակիների լուսաթափանցելիության սահմանված չափի խախտումների

համար պատրաստանալություն է առաջանում, երբ տվյալ խախտումը փաստարկված է համապատասխան տեխնիկական միջոցների կիրառմամբ:

Այսպիսով, կատարված ուսումնասիրություններով պարզվել է, որ Գ.Բոյախչյանի արարքում առկա է Վարչական իրավախախտումների վերաբերյալ ՀՀ օրենսգրքի 123.3 հոդվածով նախատեսված դեպքը, ուստի ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով`

Ո Ր Ո Շ Ե Ց Ի

1.Գ.Բոյախչյանի դիմումը թողնել առանց բավարարման, իսկ ճանապարհային ոստիկանության ՃՊԾ 1-ին սպայական գումարտակի 7-րդ սպայական դասակի տեսուչ, ոստիկանության կապիտան Գ.Աշչյանի կողմից կազմված վարչական իրավախախտման արձանագրության հիման վրա 2018թ. մարտի 24-ին կայացված ԱԴ 439862 որոշումը` Գ.Բոյախչյանին հինգ հազար դրամ տուգանելու մասին` անփոփոխ:

2.Սույն որոշման օրինակներն ուղարկել ճանապարհային ոստիկանության վարչական գործունեության բաժանմունք և դիմումատուին:

3.Սույն որոշումը կարող է բողոքարկվել ՀՀ վարչական դատարան օրենքով սահմանված կարգով և ժամկետներում:



Ե.Կարապետյան